

Powšitkowne WOZJEWJENJA

njedźelu, 19. měrca 2017

Modlerska iniciatiwa „24 hodžin za Knjeza“

Na namołwu bamža Franciskusa su tež lětsa wěriwi wutrobnje na tak mjenowane 24hodžinske modlenje za Knjeza přeprošeni. Za serbske wosady wotměje so wone wot pjatka do soboty, 24. do 25. měrca, w kapalce Domu swjateje Ludmile w Chrósćicach. Je to móžnosć, w ćišinje před Najswjećišim přebywać. Nyšpor z wustajenjom budže pjatk w 16.00 hodž. a zakónčacy nyšpor sobotu we 18.00 hodž. Kóždy ma přiležnosć, sej w tym času chwilu swójskeho modlenja zarjadować. Postajene časy ćišiny su pjatk wot 17.00 do 23.00 hodž. a sobotu wot 2.00 do 4.00 hodž., wot 6.00 do 10.00 hodž., wot 12.00 do 15.00 hodž. kaž tež wot 16.00 do 18.00 hodž. Kapalka budže cyły čas přistupna a wutepjena. Sakrament wujednanja móže so sobotu, 25. měrca, w Domje swjateje Ludmile přijimać. Spowědnicy budu wot 13.00 hodž. farar Beno Jakubaš, wot 14.00 hodž. farar dr. Daniel Dzikiewicz a wot 15.00 hodž. farar Michał Anders.

Vesper dekanatneje młodžiny

Wutrobnje přeprašujemy na vesper serbskeje dekanatneje młodžiny sobotu, 25. měrca, w 20.00 hodž. do Radworja. Wjeselimy so na was!

Farar Gabriš Nawka, Lucija a deka-kružk

Póstny wopor młodžiny

Z lětušim póstnym woporom podpěruje dekanatna młodžina projekt w Indiskej. Wobalki k tomu su w cyrkwjach wupožžene. Młodostni swój móža dar na wšitkich kemšach, nócnym modlenju, křižowym puću a při modlitwje wespery wotedać.

Kemše na swjedženju Přizjewjenja Knjeza

Na swjedženju Přizjewjenja Knjeza sobotu, 25. měrca, njebudu kemše w Róžeńće kaž zwučene we 8.00 hodž, ale w 9.00 hodž. Wšitcy wěriwi su wutrobnje přeprošeni.

Póstny seminar

Poslednje lětuše zarjadowanje w rjedže ekumeniskich póstnych seminarow w Smochčanskim Domje biskopa Bena budže pónđzeli, 20. měrca, w 19.30 hodž. pod temu „Wot džělenja k wujednanju: Wizije wo cyrkwi“. Mjez sobuzarjadowarjami je Towarstwo Cyrila a Metoda z.t. Hłowna tema je lětsa „500 lět reformacija – (žana) přičina swjećenja?“.

Putnikowanje swójbow do Róžanta

Putnikowanje swójbow ze serbskich wosadow do Róžanta budže pjatu póstnu njedźelu, 2. apryla. Božu mšu w hnadownej cyrkwi w 9 hodž. změje farar Měrcin Deleńk.

Reformacija a Serbja

Wliw reformacije specielnje na Serbow předstaja nowa wustajeńca w Budyskim Serbskim muzeju. Ju wotewru njedźelu, 26. měrca, w 15 hodź. Wustajeńca pod hesłom „Pjeć lětstotkow. Serbja a reformacija“ wostanje hač do njedźele, 27. awgusta, přistupna.

Bratrowstwo hraje w Budyšinje a Konjecach

Dźiwadłowa skupina Bratrowstwa zahraje swoju komediju „Jědźk a lěnjoch“ njedźelu, 26. měrca, w 16.30 hodź. w Serbskim domje w Budyšinje (ze simultanim přeložkom) a sobotu, 1. apryla, w 19 hodź. w Konjecach. Zajimcy su wutrobnje přeprošeni.

Zhromadny dzeń za 7. a 8. lětnik

Pod hesłom „TY pokazaš nam puć!“ přeprošuje dekanatne dušepastyrstwo šulerki a šulerjow 7. a 8. lětnika sobotu, 8. apryla, wot 9.00 do 14.00 hodź. do Don Boskoweho domu we Worklecach. Na tutym dnju maja wobdźělnicy mjez druhim přiležnosć přijimać sakrament wujednanja. Zajimcy njech so prošu hač do wutory, 4. apryla, pod telefonowym číslom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja 4 eura.

W lětnich prózdninach do Sakskeje Šwicy

Dekanatne dušepastyrstwo přeprošuje šulerki a šulerjow wot 6. do 8. lětnika wot 17. do 20. julija na zhromadne dny w Rosenthalu-Bielatalu. Nadrobniše informacije nańdžeće na wupowěsnjenych plakatach w serbskich wosadach. Jón nańdžeće tež pod www.posol.de.